



[🏠](#) > Aktuelnosti



Na graničnim prijelazima otkriveno 13 osoba koje su potraživali sudovi i policija

Pripadnici Jedinice granične policije Bosne i Hercegovine Gradiška, 9. marta 2025. godine, lišili su slobode B.K. (1982.), državljanina BiH. Naime, graničnim provjerama je utvrđeno da ga potražuje Osnovni sud u Gradišci zbog krivičnog djela *Zloupotreba položaja odgovornog lica*. Kontroliran je na izlasku iz BiH na Međunarodnom graničnom prijelazu Gradiška i predat službenicima Okružnog centra sudske policije Banja Luka. Dan ranije, 8. marta 2025., pripadnici ove jedinice predali su bh. državljanina M.Č. (1988.) i državljanku Republike Hrvatske N.T. (1977.) službenicima Ministarstva unutrašnjih poslova Republike Srpske, nakon što je utvrđeno da je spomenuto ministarstvo raspisalo potragu za njima zbog krivičnog djela *Prevara*. Kontrolirani su na izlasku iz BiH na prijelazu Gradiška. Također, 8. marta 2025., pripadnici Jedinice GPBiH Gradiška lišili su slobode D.A. (1978.) jer je ustanovljeno da Kantonalno tužilaštvo Tuzlanskog kantona potražuje ovog bh. državljanina zbog krivičnog djela *Krivotvorenje isprave*. Kontroliran je na ulasku u BiH na prijelazu Gradiška i predat službenicima Policijske uprave Gradiška. Uz navedeno, 7. marta 2025., pripadnici ove jedinice su lišili slobode V.B. (2001.) prilikom ulaska u BiH na prijelazu Gradina. Utvrđeno je da Osnovni sud u Mrkonjić Gradu potražuje ovog bh. državljanina zbog krivičnog djela *Nedozvoljena proizvodnja i promet oružja ili eksplozivnih materija*. Predat je službenicima Okružnog centra sudske policije Banja Luka. Prethodno, 2.marta 2025., pripadnici Jedinice GPBiH Gradiška su lišili slobode T.P. (1946.) jer je utvrđeno da ga Osnovni sud u Gradišci potražuje radi izdržavanja kazne zatvora. Bh. državljanin je kontroliran na ulasku u našu zemlju na prijelazu Gradina i predat službenicima Okružnog centra sudske policije Banja Luka.

Pripadnici Jedinice GPBiH Orašje, 7. marta 2025., predali su O.S. (1974.) službenicima Policije Brčko distrikta BiH, nakon što je utvrđeno da je Policija Brčko distrikta BiH raspisala potragu za njim zbog krivičnog djela *Laka tjelesna ozljeda*. Državljanin Sjeverne Makedonije je kontroliran na ulasku u BiH na prijelazu Orašje.

Istoga dana, pripadnici Jedinice GPBiH Velika Kladuša su predali N.M. (1986.) službenicima Centra sudske policije u Unsko-sanskom kantonu, nakon što je utvrđeno da ga Općinski sud u Velikoj Kladuši potražuje zbog krivičnog djela *Nasilje u obitelji*. Kontroliran je na ulasku u BiH na prijelazu Velika Kladuša.

Pripadnici Jedinice GPBiH Aerodrom Sarajevo, 6. marta 2025., na letu za Istanbul, lišili su slobode U.S. (1987.). Utvrđeno je da je Ministarstvo unutrašnjih poslova Hercegovачko-neretvanskog kantona raspisalo potragu za ovim državljaninom Republike Turske zbog krivičnog djela *Krađa*. Predat je službenicima MUP-a Hercegovачko-neretvanskog kantona.

Pripadnici Jedinice GPBiH Kamensko su 6. marta 2025., lišili slobode A.P. (1998.) jer je utvrđeno da je Ministarstvo unutrašnjih poslova Zeničko-dobojskog kantona raspisalo potragu za njim radi izdržavanja kazne zatvora. Kontroliran je na prijelazu Kamensko na ulasku u BiH i predat službenicima Centra sudske policije u Kantonu 10 Livno.

Pripadnici Jedinice GPBiH Trebinje, 6. marta 2025., lišili su slobode D.P. (1998.), nakon što je utvrđeno da ga Osnovni sud u Foči potražuje zbog krivičnog djela *Ugrožavanje sigurnosti*. Državljanin BiH je kontroliran na ulasku u BiH na prijelazu Ivanica i predat službenicima Okružnog centra sudske policije Trebinje. Prethodno, 4. marta 2025., pripadnici ove jedinice su lišili slobode F.N. (1968.) na ulasku u našu zemlju na prijelazu Zupci. Utvrđeno je da je Ministarstvo unutrašnjih poslova Srednjobosanskog kantona raspisalo potragu za njim zbog krivičnog djela *Prevara*. Državljanin Crne Gore je predat službenicima MUP-a Srednjobosanskog kantona.

Pripadnici Jedinice GPBiH Bijeljina, 5. marta 2025., lišili su slobode V.O. (2007.) jer je utvrđeno da je Policija Brčko distrikta BiH raspisala potragu za njim zbog krivičnog djela *Trgovina ljudima*. Bh. državljanin je kontroliran na izlasku iz BiH na prijelazu Rača i predat službenicima Policije Brčko distrikta BiH.

COVID-19 Prelazak državne granice Bosne i Hercegovine	>
PRIJAVE GRAĐANA (žalbe, korupcija, prekogranični kriminal)	>
ZAKON O SLOBODI PRISTUPA INFORMACIJAMA Vodič: kako do informacija	>
NAJČEŠĆE POSTAVLJENA PITANJA	>
JAVNE KONSULTACIJE	>



[O nama](#)

[Propisi](#)

[Informacije za građane](#)

[Odnosi s javnošću](#)

[Oglasi](#)

[Javne nabavke](#)

[Fotogalerija](#)

[Kontakti](#)

Pratite nas na društvenim mrežama

